

共赴國難



其實凡神州之赤子
盡吾人之同胞；我
華民國爲一整個之
華民國，其居處於
華民國國土以內者
早已凝結爲一整個之
中華民族。

青... 柳... 歸... 寄... 綠... 荷... 包... 飯... 人...

柳... 州... 句...



Small vertical text or signature on the right margin.

Small vertical text or signature on the right margin.

粵北邊疆施教區

設置於山排之中施教站



其實率
之內，悉
吾同胞。
言念尼父
『有教無
類』之旨
，益切孟
氏『不教
是棄』之
憂。

引自舉
辦粵北
邊疆教
育意見
書

粵北邊疆施教區之又事業

設立門診所，解除山民疾病，上之痛苦



我們從事邊疆教育

該，先就邊疆人民

眼前的切身惠益

，替他們多想點辦

法。

引自再論邊疆教育

粵北之山排住民

版畫 六幅

李集鈞
陳剛 合刻

第一章

粵北山排住民之史的探討

胡耐安

第二章

粵北山排住民之分佈現狀

粵北邊疆施教區巡迴施教隊

附粵北山排住民分佈圖

第三章

粵北山排住民之宗教觀

胡耐安

第四章

粵北山排住民之習俗

粵北邊疆施教區巡迴施教隊

第五章

粵北山排住民之語言

胡耐安

第六章

粵北山排之調查統計

粵北邊疆施教區巡迴施教隊

附氣候人口穀物生產疾病等調查統計圖表十五幅

附錄

粵北邊疆施教區域圖

粵北邊疆施教區成立之經過

粵北邊疆施教區組織系統表

粵北邊疆施教區工作人員配置表

粵北邊疆施教區第一個年度之工作計劃圖

粵北之山排住民

第一章 粵北山排住民之史的探討

胡耐安

粵北各縣之山排住民，古有獠獞之稱，今則獞已漢化或僮化，不復可辨。然亦有謂在陽山縣屬者爲獞，（讀如撞改作僮）或謂過山僮即僮。吾人於連陽三屬之山排住民，（連縣連山陽山）直統稱之曰僮。其在乳源，樂昌，始興，曲江諸縣者，亦渾而合之曰僮。在曲江者，或別稱之曰仲家，（仲，史籍作种，屬夷之一種）或亦謂爲獞家（獞讀如鐘），仲獞音雖類似，但究其氏族，則相去逕庭矣。

連陽三屬，稱僮之聚居地。所謂八大排者，即指連縣屬之油嶺排，行祥排，（今稱南江排）橫坑排，與連山縣屬之軍寮排，馬箭排，里八峒排，火燒坪（今簡稱火燒排）大掌嶺排，陽山縣屬之各排不與焉。惟以時代變遷，昔之號稱大排者，如橫坑排，馬箭排，里八峒排，已非復當年之昌盛。而新興之排，如三排，已凌駕於各大排之上，如牛露水排，亦已日見昌盛。但僮民之於八大排，仍復有其宗派之追尋。大排之下有小排，有冲或寨，各有所宗。其在連縣屬者稱外三排，在連山縣屬者稱內五排。

粵北之山排住民，究其所自？考諸載籍，據隋書地理志：

長沙郡雜有夷獠，名曰莫獠，自云其先祖有功，常免徭役，故名。其男子著白布褲衫，無巾袴。女子青布衫，斑布裙，皆無鞋屨。婚嫁用鐵鉛鐸爲聘財。武陵，巴陵，零陵，桂陽，澧陽，衡山，熙平，皆同然。（按：隋熙平郡即今之連陽三屬）
「獠」之初見於史乘者。據廣東通志：

本槃瓠種，由楚省蔓延粵之新甯，增城，曲江，樂昌，乳源，安，連州等七州縣。

連州志：

獠本槃瓠遺種，產韶廣溪峒間，卽古長沙黔中五溪蠻也。其後生息繁衍，南接兩廣，右引巴蜀，縣亘數千里。在連者爲八排獠峒，崇山峻嶺，錯處其間。連州屬三排，曰油嶺。行祥，橫坑。連山縣屬五排，曰軍寮，馬箭，里八峒，火燒坪，大掌嶺。八排勢相毗連，外復有二十四小排，悉八排支派，延袤二百餘里。其人椎髻跣足，衣斑爛布褐。男女以綠朱鷄毛置髻鬢間，謂爲美觀。婚配以歌聲倡和爲喜，度衣帶長短爲定。婦人以黃蠟膠髮，融結成板，名頂板。諸獠性皆獷悍，重然諾，畏鬼神，喜讎殺，又能忍飢行鬪，左懸長刀，右負大弩，手持長槍，上下山險若飛。戰，一弩一槍相輔而前，執槍者前却不常以衛弩，執弩者啣刃而射，敵或冒刃逼之，槍無所施，釋弩取刃，奮擊以殺。度險，則整其行列，遁去，必有伏弩。兒始能行，燒鐵石烙其跟蹠，使頑木不仁，故能履茨棘不傷，僦僦若野獸然。

宋紹興間，（西元一一三一——一一六一）有州人廖姓（顓）仕粵西，攜獠僕男婦十餘人歸連，遣入山谷耕種。厥後丁口蕃息，分爲八大排，二十四小排，近增至五十餘小排，然皆八排支派，狼戾獷悍，向爲三連之蠹。

據連山縣志：

連山古無獠，宋淳熙中，（西元一一七四——一一八九）有連州人廖顓者，仕廣西提刑，歸攜獠僕十餘人，散居油嶺橫坑間。其後生息蕃滋，蔓延連山，共計八大排，五十小排，一百三十餘小冲。在連山者：五大排，二小排，七十二小冲，人口約六萬餘。其族椎結徒跣，男穿

耳帶環，以五色鷄毛飾髻。女袒胸戴白墊角巾者曰排獠，以三角簿板繫髻上者曰帶板獠，髻上帶長筭一枝者曰帶箭獠。板獠箭獠，居黃南龍尾諸冲，善良守法，排獠則好鬥嗜酒，喜則人，怒則獸，自明以來，嘗爲邑人患。明崇禎（西元一六二八——一六四三）及清康熙（西元一六六二——一七二一）道光（西元一八二一——一八五〇）光緒（西元一八七五——一九〇八）間，屢煩大兵進討，然後綏靖。入民國來，謹守法紀，納稅以時，赴圩不擾，與邑民有交涉，則奔縣求申理，恪遵裁斷，民獠可謂相安矣。顧負險族居，自爲風氣，與談公益則不顧，招以教育則不就，獠獠狃狃，情形蓋猶昔也。

據陽山縣志：

豬居高界，鹿薺、石羊、石磴，新開、竹山尾、等山。巾不履，男以綠米鷄毛簪髻間。婚姻以歌唱相悅，度衣帶長短爲定。其人耐寒暑，善走險，精藥弩，慣捕獵，重然諾，畏鬼神。婦人以黃臘膠髮結成爲板，名頂板獠。其外崗獠人與漢人雜居，間有業儒列膠庠者。又有老鴉坑獠，原土著人，以教獠所爲，故亦曰獠。獠居白芒、相坑、等山、本廣西狼兵，明天順間（西元一四五七——一四六四）奉調征剿，遂於此生聚，然皆散處峒谷。衣絨繡，無巾履，出入佩刀，相接以扼頸觸爲敬。男女涉水，以男由下行爲知禮。少女甘妻老夫，子多出爲贅婿。

右據各志，以連山縣志爲最新鑄。（鑄於民國十七年）若夫獠獠之辨。則曰：

山居爲獠，崗居爲獠（連州舊志）

獠性質粗悍，露頂跣足，花衣短裙，烏言夷面，自耕而食，又謂之山人。出湖南溪峒，後稍

入廣西右江等縣。佃耕荒田，聚積稍多，因逼挾田主，佔據鄉落，遂蔓延入廣東省。其初來向以聽招爲名，佃田納租。種類與猺人不同，時相仇殺，故有司及管田之家，頗賴其力以捍猺，厥後衆聚勢強，爲患則與猺等。連州無獠，惟陽山連山二縣有之。（連州志）

至過山之稱：

過山猺者，居無定沖，視山坡有腴地可墾，卽率妻孥鵬紀結茅住之。雖勤耕作，亦濫費用。男女衣服，飲食較清潔。耕作餘閒，則結隊游歷，尋得佳勝處，又徙宅從之矣，故曰過山猺。

○（連山縣志）

更有所謂真猺，膾語，主獠，客獠，之分：

盤姓爲真猺，異姓爲膾猺。土居爲主獠，瓦舍爲客獠。真猺馴，膾猺詐。主獠富，客獠貧。

（連州舊志）

詢諸僑民自身，可歸納爲下列諸說：

（一）該排唐姓二姓，係來自湖南道州。（大掌嶺排）

（二）該排唐姓始祖唐四公之父，原爲湖南道州人，以受族人殺人之累，被驅逐，流至連州。於艱苦流蕩之生活中，成家立業，生子三。但仍攜長幼二子歸湖南，僅次子留連州，次子卽遷油嶺始祖唐四公也。唐四公先在連州賣菜糊口，繼至三江關園種菜，終於發見油嶺，遂家焉。（油嶺排唐姓）

（三）該排係廖姓貴人，自廣西攜帶來連州。（油嶺排）

（四）該排等，係由廣西遷來。（上峒排，白芒排）

(五)該排之祖先，係由海南經樂昌移家陽山。(菜坑排)

外此尚有一說：

昔有解差押罪犯八人，路經連州，遇迅雷暴雨，以致迷路，罪犯遂逃匿深山。今日所稱之八大排，即該八罪犯之後裔。

吾人嘗遍歷連陽三屬之各大排，稽其譜牒，於粗紙塗鴉之字句中，尋其所自，大都爲上溯至十五代而止。油嶺排，稱僑所最先至之地，若大掌嶺排，若三排，皆自油嶺排蕃衍而成。現連縣廖姓（即廖顯之後裔）尙歲一至外三排收取山租銀，租額年納國幣二百元，廖姓以之繳解連縣賦稅局者爲國幣四十元，收租時並須以酒享繳租人。至今外三排尙有稱廖姓爲山主公者，內五排則繳租稅於連山縣政府，且不以山主公相稱也。依常理推論，十五代相承之年代，約當五百歲至七百歲，亦可推算之謂當西元十三四紀之交，其時蓋元明之際也。復於大掌嶺排南無經經文中，見有一大明國廣東道廣州府連州連山縣永福鄉唐家水下坪源大掌嶺東向立壇居住」等字樣，其中坪字有作平字者，永字有作示字者。以言今日僑民之服裝，徵引典籍，似多類同宋明遺制。意者當元清以異族侵入華夏之際，志士仁人之不願臣事異族者，相率匿避於窮僻山陬，葆其清白。而此窮僻山陬，自不能不有其土著之氏族在，婚媾互通，習俗以易。南無經之流入，或可謂肇始於斯時矣，故經文如是云云。而譜牒之僅溯及十五代者，蓋亦此輩志士仁人之所遺，其原有土族，則未之有也。是則今日之所謂僑者，其中殆多宋明孤臣孽子流胤歟？若夫遠溯以上，約當西元三世紀至六世紀時，（自晉歷宋齊梁陳以至於隋）中原鼎沸，民不聊生，西南片土，較爲安靖，而窮僻山陬，直亂世之世外桃源。吾人數西南各少數民族，若苗，若夷，若僑，殆莫不由黃河流域越長江

流域進入湖廣，散布於湘、黔、桂、粵、各省。粵北各縣之僑民，當亦莫之外也，同時吾人於湘、粵桂接壤之區，如湘之江華、永明、藍山、臨武，桂之賀縣、鍾山、富川、恭城等縣，皆有僑之散布。但粵贛接壤之區，則無有也。粵北各縣之僑，東至始興而止，廣東通志所列之新甯增城，今已無復有僑之氏族在，或他徙？抑或同化？暫不置論。此外聞粵西南之合浦、靈山、二縣，亦有僑之族。要而言之，吾人於中華民族內之少數民族，除血統語文習俗等之辨析外，於其時代環境與夫政治影響等問題，亦應爲詳盡之檢討。吾人曩歲於黔東苗區，曾翻閱一吳姓苗民家譜，則赫然爲吳三桂之後裔。（詳見拙著之苗鄉一櫛）君主權威，九族是夷，所謂亂臣賊子之逃入山脈，化爲苗僑之族，直意中事。又如稗官家言：楚桂之亡命者，逃匿僑山，浸漸而成贛僑云云，此輩亡命者，或亦卽志士仁人之流亞？一擊不中，惟有亡命。所謂成王敗寇，歷代史志，其信而可徵之成分，蓋微乎其微耳。證以僑民之稱吾人爲平地好，追尋所自，要不能謂爲無因；推究所因，其目爲爲奸者，必自以爲忠，忠奸之分，固不免有種族間之歧視，而政治意識之影響，或亦有所云然也耶？

若夫僑之一族，居今日廣西人口數字中之重要地位，但在粵則不復見，蓋早經他化矣。有謂陽山之僑卽僑，亦有謂過山僑卽僑，皆非也。又有謂陽山爲韓昌黎舊遊地，流風遺韻，故陽山縣屬之僑雖有身膠庠者，其說似是實非。其所謂身列膠庠者，蓋卽早經漢化之僑，若僑則渾渾噩噩固一仍其舊也。

就僑民之姓名，亦可推究其宗支派系，僑民於氏族之系統，建立於「房」。其取名也，卽以所屬之房名夾置其中。如盤和生一，如唐明倭二，如龍八盤界二，如沈盤一房法三，如房表高石

頭一，如李僑里表路，其「和生」「明倭」「八盤」「盤一」「表高」「僑里」，卽其所屬之房名。房名下之「二」或其他字樣，則其名也，惟以用數字者爲多，因之吾人每至一掛，詢山民之姓名，幾人人同稱，如鄧姓之鄧一或鄧二鄧三，趙姓之趙一趙二或趙三趙四，不知其幾也。以言粵省境內之少數民族或亦稱之曰特種民族，實繁有徒，若海南島上之黎與苗，若珠江水上之蜑戶，（有蜑蜑於漢族之內者）其具有學術上之探討性，實較重於粵北各縣之僑。甚願倭氛早息，假我時日，要當不憚不求以鄧薑探究之也。至於苗夷僑黎等之專稱，實無所用其忌諱，人我齊觀，不以蟲豸視人斯可矣。

謹按史乘，所謂「苗僑」一族之所由來，大率謂係「槃瓠」之裔。據搜神記：「以來自百濟，高辛氏有老婦人得耳疾，醫爲挑治，得一物大如繭。婦人盛之以瓠，覆之以盤，俄頃化爲犬，其文五色，名曰槃瓠。」

「以言槃瓠之所以成爲「苗僑」一族之祖，則通志之記載頗爲詳盡：「昔高辛氏戎之寇，帝患其侵暴而征伐不克，乃訪募天下：有能得犬戎之將吳將軍首者，賜黃金千鎰，邑萬家，妻以少女。時帝有畜狗，其毛五采，名曰槃瓠，下令後，槃瓠銜人首造闕下，羣臣怪而診之，乃吳將首也。帝大喜，而計槃瓠不可妻以女，又無備之之道，議欲有報而未知所宜，女聞之，以爲帝令不可違信，固請行。帝不得已，乃以女配槃瓠，槃瓠得女，負而走入南山，止石室中，所處險絕，人跡不至，於是女解去衣裳，爲僕豎之結，著獨立之衣。帝悲思之，遣使尋求，輒遇風雨震晦，使者不得進。經三年，生子一十二人，六男六女，槃瓠因自相夫妻，織績木皮，染以草實，好五色。衣服製裁，皆有尾形。其母後歸，

以狀白帝，於是使迎數嗣子，衣裳斑斕，語言侏僂，好入山壑，不樂平曠，帝順其意，賜以名山廣澤。其後滋蔓，號曰蠻夷，外癡內黠，安土重舊。以先父有功，母帝女，田作賈販無關梁符傳租稅之賦。有邑君長，皆賜印綬。冠用獾皮，名渠帥曰精夫，相呼爲狹徒。今長沙武陵蠻是也。」

搜神記作於晉，通志成於宋，晉去高辛氏之世爲兩千餘歲，宋則更爲遙遠。而搜神記一書，又屬怪誕不經之作。於此，姑引「苗鄉一樹」中語於下：

『其實一個民族的由來，推究到終極的頂點，都不免有神話似的傳說。如盤古氏的開天闢地，如上帝的造物做人；向科學先生去申辦，當然還是「進化論」比較可信。再說，盤古槃瓠，音實相似。在各種官雜記中，於苗僑族的紀載，常有「祖盤古而宗狗頭王」語，又有於狗頭王句下，續以「王卽槃瓠也」的註釋。盤古，槃瓠，是一？是二？這是值得闕疑的。盤古有不有其真實的證據？太史公說得有：「學者多稱五帝尙矣，然尙書獨載堯以來而百家言黃帝，其文不雅馴，縉紳先生難言之」。何況又遠在黃帝之世以上？當然更是難言。」

若盤古廟、則粵北各縣隨在可見、而連陽三屬尤多。是則僑之深入叢山，固非古已如是，時勢之見偏，有不得不然者也。

考僑原稱莫徭，由此以釋其「不任役僑因而稱僑」之說，亦覺信而有徵。又有以莫徭（Moyao）之音，與苗（Miao）音之相近似，認僑乃屬苗之宗支，吾人今列苗僑爲一系者，實本此也。本文僅及連陽三屬，良以連陽三屬爲僑之聚居地；其他各縣，人數既渺，分佈復散，願得時日，以待續論。

第二章 粵北山排住民之分佈現狀

粵北邊疆施教區巡迴施教隊

粵北各縣之山排住民，大率居處於叢山深菁中。除連陽三屬之連縣連山陽山三縣外，如始興、樂昌、乳源、曲江、等縣，莫不有若輩之蹤跡，而以連陽三屬爲其集中居留地。據安化管理局之調查，居處連陽三屬之山民，約及八萬；而據一般人士之估計，有謂數逾十萬，亦有謂不及七萬者。實則所謂八萬十萬七萬，都係估計揣測之辭，並無有所依據之確切統計。以吾人就所經山排調查統計所得，連陽三屬山民，當不過五萬，最大之估計，亦不至超過七萬。試以大掌嶺山排而論，據民國十七年所修之連山縣志：該排人口爲一千三百餘，安化局之調查，亦估計其人口當達千數以上。但本年春季，吾人實施調查所得，戶數爲百六十餘，人口數實祇六百十四人耳。究其人口之如此驟減者，不外年來生活日艱，終歲胼手胝足，難求一飽，因之營養不良，壽命日短。而殺嬰之風又日益加劇，人口急劇之減少，蓋有由也。大掌嶺爲八大排中八大排之一，既復如是，其他所謂八大排中之里八峒、馬箭等山排，更形衰敗不堪，里八峒現僅存八戶耳。外此若油嶺、南江、軍寮、火燒、橫坑等山排，現在人口最多者，亦不過二千餘人，總計八大排現在之人口數，實祇萬五千人左右而已。至新興各排，如連縣之二排、連水排，連山縣屬之牛露水排等，除三排外，亦祇數百人或至多千人。其散處山谷間之小排及冲等，則七八戶者有之，二三十戶者有之，若太古冲排之有八九十戶者，僅少數中之少數；至百戶之上，則絕無僅有也。連山縣志所載：境內有三小排七十二小冲，人口約六萬餘云云，據吾人實地之測計，今所存者殆不過半數耳。吾人今日雖尚未遍歷連陽三屬之大小各山排，作詳細之調查統計，但以足跡之所至，舉一以

例其他，則敢斷言連陽三屬之山民，最大數目，當不過五萬以至六萬。至粵北其他縣，乳源縣政府所報數約六千，樂昌縣政府所報數約七百，始興縣政府所報數約五百，曲江縣政府所報數約五百。但據曲江縣政府之查報，則數近七千。（該縣四區西山二十四坑約五六千人，六區約七百餘人，新溪鄉狗頸鄉合約百餘人）惟未註明族姓，是否出於僑，則有待考證。故就粵北現有山民作一近似數之估計，大抵當在六萬以上，七萬則不足也。至其分佈地域，在連陽三屬，大都散處三屬交界處之叢山中，周圍廣袤達四百餘里，其排名冲名可得而考者，約計百餘：

油嶺排，橫坑排，南江排，軍寮排，里八崗排，火燒坪排，馬箭排，大掌嶺排，以上八排，爲史乘有名之八大排，此八大排又以油嶺排爲其始祖，其他七排皆爲其衍脈。此外連縣屬之三排連水排及連山縣屬之牛露水排，爲新興之大排，以其所處地理環境優越，正方興未艾也。外如連縣屬尚有棉羊排，九龍寨排，百斤峒排，花朱坳排，蜈蚣田排，水井坳排，連山縣屬有興到排，鰲坑排，大竹灣排，黃泥塘排，太古坳排，涼亭山排，西嶺僑排，望鷄冲，香坪排，香花根排，大坪坳排，中爐坑排，社下冲，打鐵冲，上營源排，中殿排，蒲爐嶺排，火燒寨排，塘基兒排，龍水尾排，大樵頭排，良洞，大鵬冲，魚寨排，平仲排，盤后坑排，竹根排，磨刀坑排，合界排。陽山縣屬有新寨，九寨，馬嶺墩寨，甲塘冲，油道堪寨，望街嶺排，烏頭東排，廟坑排，上洞排，下洞圩，黎壁寨，白芒圩，后峒排，火峒排，大暗排，中心崗排，髑隆排，上菜坑排，中菜坑排，下菜坑排，黃連排，竹子汎，香車，乳姑頂，深冲，茶坑，由頭圩，大貴，黃岡，三州寨，桐油冲，生同寨，茅坪。

此外當尚有少數小排，則以吾人見聞未周，不能列舉其名也。

其在乳源境內者，大都散處乳源北境，故稱之曰北山僑民，其居處地名爲：

齊公田，鳥坑，賴大石，黃泥坎，樟樹坑，茶地脚，下散坑，坪坑，蛇坑，上老屋場，下老屋場，計竹園，茶坪坑，楠木坪，溪背坪，中心坑，上寮坑。下寮坑，新田硬，茅坪坑，公坑，繁背坑，半坑，黃泥坑，青石坑，藍坑，壩尾溪頭坑，大東山，田坵斷。

在樂昌縣境者，分生僑熟僑兩種，生僑居該縣西南山中，熟僑則居該縣第二區九峯鄉一帶地方，合計約六百餘人。其生熟僑之分，以漢化程度之深淺爲之區別。熟僑之習俗，與吾人丁無殊異。生僑則狃狃獠獠，尙保守僑族之特有風習也，其分佈地區：

生僑居該縣西鄉之壁坑，黃茶坑，桂坑。

熟僑居該縣九峯鄉之西坑村。

居處始與縣境者，大都散佈於該縣之西南鄉。

此粵北山民分佈之大概情形，雖不敢必其無誤，但亦不致相差過遠，至若詳盡之紀述，則尙有待於將來也。